

Ferhat Bradarić, dipl.oec. - Magistarski rad

Fakultet/Akademija	EKONOMSKI FAKULTET
Tip Rada	Magistarski rad
Kandidat, zvanje	Ferhat Bradarić, dipl.oec.
Naziv Teme	Trezorsko poslovanje i finansiranje javnog sektora jedinica lokalnih samouprava u Bosni i Hercegovini
Rezime/Abstract	<p>Magistarski rad pod naslovom „Trezorsko poslovanje i finansiranje javnog sektora jedinica lokalnih samouprava u Bosni i Hercegovini“, urađen je na 232 stranice A4 formata, od čega se 178 stranica odnosi na osnovni tekst, 6 stranica na popis korištene literature, te 1 stranica na popis tabela, grafikona i slika. Pored toga, magistarski rad sadrži i 9 priloga na 45 stranica i 2 stranice popisa skraćena. U toku istraživanja korištene su 53 knjige, 29 studija, zakona, pravilnika i članaka, 7 doktorskih disertacija i magistarskih radova, osim navedenog u istraživanju je korišteno 36 internet izvora. Magistarski rad je strukturiran tako da, pored uvodnih i zaključnih razmatranja te popisa literature, sadrži i šest poglavlja u kojima je, u okviru osnovnog teksta, tematizirana materija ilustrirana sa tabelama i grafikonima. Predmet istraživanja je uvođenje trezorskog poslovanja u jedinicama lokalnih samouprava, kao najnižih nivoa vlasti u Bosni i Hercegovini, te na bazi internog i eksternog istraživanja, ispitivanje da li jedinice lokalne samouprave odnosno općine putem trezora mogu poboljšati finansijsku evidenciju, praćenje zaduženja, ažuriranje i pripremu izvještaja o izvršenju budžeta, što bi trebalo da obezbijedi kvalitetne prijedloge za općinski menadžment u procesu donošenja ispravnih odluka u interesu građana. Naglasak je na uvođenju trezorskog poslovanja i finansiranju javnog sektora, gdje se metodom ekonomske analize prikupljenih kvantitativnih i kvalitativnih pokazatelja otkriva koliko uvođenje trezorskog poslovanja donosi stvarne koristi općinama i njenim građanima, te na koji način organi izvršne i zakonodavne vlasti učestvuju u donošenju odluka o budžetu i njegovoj raspodjeli u toku budžetske godine. Ukazano je na neophodnost uvođenja novog trezorskog poslovanja i na nivou općinskog organa javne uprave, poštujući princip transparentnosti budžetskog sistema, s ciljem optimiziranja upravljanja finansijskim sredstvima. Takođe, u radu se uspješno dokazala uloga i utjecaj općinskog budžeta generalno na kvalitetu života građana na nivou lokalne samouprave, kroz stabilnost i disciplinu vođenja politike javnih rashoda. Ključne riječi: akrualna osnova, aproprijacija, budžet/proračun, budžetsko odobravanje sredstava, budžetski izdaci, budžetski i izvanbudžetski nadzor, budžetski korisnici, budžetski primici, budžetsko računovodstvo, budžetski rashodi, finansijski plan, finansijsko izvještavanje, fiskalna godina, funkcionalna klasifikacija, glavna knjiga trezora, interna kontrola, interna revizija, izvanbudžetski fondovi, izvanbudžetski korisnici, javna novčana sredstva, jedinstveni račun trezora, linijska ministarstva, modificiran računovodstveni osnov nastanka događaja, operativni plan, plan razvojnih programa, potrošačke jedinice, projekcija budžeta, zaduživanje.</p>
Datum	24.09.2012
Predsjednik	Dr. sc. Sead Omerhodžić, vanredni profesor za užu naučnu oblast „Finansije“ („Finansije i finansijska politika“), Ekonomski fakultet Univerziteta u Tuzli
Mentor	Dr. sc. Izudin Kešetović, redovni profesor za užu naučnu oblast „Finansije“ („Finansije i finansijska politika“), Ekonomski fakultet Univerziteta u Tuzli
Član komisije	Dr. sc. Emira Kozarević, docent za užu naučnu oblast „Finansije“ („Finansije i finansijska politika“), Ekonomski fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	dana 24.09.2012. godine u 13,00 sati u amfiteatru Ekonomskog fakulteta Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.